

41. Ch. Sartorii Liebm. in Oversigt. 1845 p. 7 I. 3. Ejusd. in litt. ex Mart. Hist. III. p. 308 no. 13. Walp. Annal. III. p. 457 no. 4.
42. Ch. Arenbergiana sp. n. Caudice erecto, remote annulato; frondibus erecto-patentibus apice recurvatis, pinnatis, vaginis cylindricis apice ad tertiam partem oblique apertis, auriculatis, in petiolum obtuse trigonum supra evanescente canaliculatum attenuatis, rhachi supra obtuse angulata, vagina, petiolo rhachique fascia albida distincte notatis, pinnis utrinque 8—10 remotis, oblongo-elongatis, falcatis, basi contractis, longissime acuminatis, apicibus pendulis, superioribus angustioribus, summis confluentibus, nervis primariis 9; spadicibus infra frondes, spathis apicem versus jam inter florescentiam exaridis, masculis simpliciter ramosis, ramis 8—10 pendulis et una cum parte rhacheos superiore densissime floriferis, femineis simplicibus vel pauciramosis, erectis, crassis; baccis conferte dispositis, subglobosis vel transverse oblongis, nucibus oblongis, embryone medio in dorso sito.

Patria: Guatemala?

Caudex diametro 1—1 $\frac{1}{4}$  poll., annulis 3—5 poll. distantibus. Frondes 7—8 ped. longae, vagina 16—18 poll., petiolo 14—18 poll., rhachi 3 $\frac{1}{2}$ —4 ped., pinnis maximis 2 ped. longis, 5—5 $\frac{1}{2}$  poll. latis. Spadix masculus 13—15 poll. longus, ramis 6—8 poll. longis, femineus 1 ped. longus, rhachi simplici 5—6 poll. longa, 7—8 lin. crassa. Baccæ 6 lin. altae, 9 lin. latae, nucibus 5—6 lin. longis, 4—5 lin. latis.

A Ch. Casperiana Kl. differt frondibus majoribus, pinnis multo longioribus et latioribus, rhachibus spadicum masculorum superiore parte densissime floriferis et spadicibus femineis simplicibus vel minus ramosis.

Hanc speciem, quae primo in horto Arenbergensi inveni, consecratam esse volui duci de Arenberg-Meppen, litterarum fautori excellentissimo atque humanissimo.

Plures species Chamaedorearum supra a me descriptarum in praesenti spadicibus non parum evolutis ornatae sunt, quorum descriptionem serius dabo in „Otto et Dietr. Allgemeine Gartenzeitung“.

---

## Descriptio duarum specierum novarum e genere **Carludovicae.**

---

*Carludovica incisa* sp. n. Acaulis; foliis in stipitem decurrentibus, tricostatis, palmato-tripartitis, glaucescentibus, media parte ad medium bifida, laciniis plicatis, antice regulariter inciso-dentatis, lateralibus semirhombeis basi cuneatis, mediis cuneatis, stipite semitereti et costis paginae inferioris squamulis fuscесcentibus obsitis. Spadicem floriferum non vidi.

Patria: America centr.

Species proxima est *C. palmata* Ruiz et Pav., quae vero stipite multo longiore, laciniis antice irregulariter pinnatisectis, segmentis pendulis et colore smaragdino foliorum facile dignoscitur.

*C. atrovirens* sp. n. Foliis bipartitis, unicostatis, in stipitem longe decurrentibus, coreaceis, nitidis, atroviridibus, laciniis oblongo-elongatis, acuminatis, profunde plicatis, stipite longiusculo, semitereti supra canaliculato, marginibus basin versus remote dentatis. Spadicem floriferum nondum vidi.

*Carludovica plicata* Linden. Catalog.

Patria: N. Granada.

---